

開縣志

塋墓

西川遭獻賊之亂掘墓殆盡較置摸金校尉尤酷  
卽有一二存者碑碣無攷已難過而詢焉若之數  
君者封樹無恙不尤在後人之培護哉作塋墓志  
第二十二

明

嚴觀民墓在縣西永樂中太守卒葬此

國朝

開縣志

卷廿二

塋墓

一

羅貴宗墓貴宗江里人當明季姚黃亂時堵禦有  
功至

國朝順治八年游陞湖北隕陽府總兵康熙十五年辭  
俸歸梓二十五年五月初四日卒葬江里大海溪  
之獅子壩碑誌現存

翰林院編修陳塋墓在縣西九龍山

義塚附

按宋曰普同墳亦曰漏澤園明洪武三年詔郡  
縣設義塚至雍正初停棺有禁蓋所以澤枯骨

而惠泉壤者由來久矣開邑義塚數處雖不必如禁樵封柳下之壠下馬拜董相之墳而過墟生哀亦在當事者之嚴杜侵沒而已

浙湖義塚邑職員宋學濂韋保元徐再熙等倡置靖江義塚邑職員張以理姜學訥等倡置

上宮義塚邑處士上宮儀邑庠蕭家銓蕭邦明同置

白骨塔在盛山之麓